

**LJEKARSKA/LIJEČNIČKA KOMORA
FEDERACIJE BOSNE I HERCEGOVINE**

**PRAVILNIK
O UTVRĐIVANJU ZAJEDNIČKIH KRITERIJA ZA LICENCIRANJE
ČLANOVA LJEKARSKE/LIJEČNIČKE KOMORE FBIH I
ČLANOVA KANTONALNIH/ŽUPANIJSKIH LJEKARSKIH/LIJEČNIČKIH
KOMORA**

Prečišćeni tekst

Tuzla, 27.05.2024. godine

Na osnovu člana 221. stav 6. alineja 1. Zakona o zdravstvenoj zaštiti (Službene novine FBiH broj 46/10, 75/13), člana 8., a u vezi sa članom 52. Statuta Ljekarske/Liječničke komore FBiH, Skupština Ljekarske/Liječničke komore FBiH na sjednici održanoj dana 26. aprila 2014. godine donijela je Pravilnik o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora.

Skupština Ljekarske/Liječničke komore FBiH na sjednici održanoj dana 21.04.2018. godine usvojila je izmjene i dopune Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora.

Skupština Ljekarske/Liječničke komore FBiH na sjednici održanoj dana 02.12.2023. godine usvojila je Pravilnik o izmjenama i dopunama Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora, čiji prečišćeni tekst sada sadrži: tekst Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora (br. 01-95/14 od 26.04.2014. godine i br. 01-50/18 od 21.04.2018. godine) i tekst Pravilnika o izmjenama i dopunama Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora br. 01-214/23 od 02.12.2023. godine . . , te prečišćeni tekst sada glasi:“ briše se.

Skupština Ljekarske/Liječničke komore FBiH na sjednici održanoj dana 27.05.2024. godine usvojila je Pravilnik o izmjenama i dopunama Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora, čiji prečišćeni tekst sada sadrži: tekst Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora (br. 01-95/14 od 26.04.2014. godine, br. 01-50/18 od 21.04.2018. godine i br. 01-214/23 od 02.12.2023. godine) i tekst Pravilnika o izmjenama i dopunama Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora br. 01-129 od 27.05.2024. godine, te prečišćeni tekst sada glasi:

**PRAVILNIK
O UTVRĐIVANJU ZAJEDNIČKIH KRITERIJA ZA LICENCIRANJE
ČLANOVA LJEKARSKE/LIJEČNIČKE KOMORE FBiH I
ČLANOVA KANTONALNIH/ŽUPANIJSKIH LJEKARSKIH/LIJEČNIČKIH
KOMORA**

I OPĆE ODREDBE

Član 1.

Ovim Pravilnikom utvrđuju se uslovi i nadležnosti te uređuju postupci licenciranja ljekara/liječnika, državljana Bosne i Hercegovine i stranih državljana, koji rade na području Federacije Bosne i Hercegovine, a koje provode kantonalne/županijske ljekarske/liječničke komore, odnosno Ljekarska/Liječnička komora FBiH.

Član 2.

Postupci licenciranja ljekara/liječnika, u smislu ovog Pravilnika, podrazumijevaju:

- 1) postupak izdavanja licence ljekaru/liječniku,

- 2) postupak obnavljanja licence ljekaru/liječniku,
- 3) postupak oduzimanja licence ljekaru/liječniku,

II USLOVI ZA LICENCIRANJE

Član 3.

Uslovi za licenciranje ljekara/liječnika članova kantonalnih/županijskih komora, odnosno Ljekarske/Liječničke komore FBiH su:

- 1) stručna kvalifikacija koja obuhvata formalno obrazovanje,
- 2) položen stručni ispit u stručnom zvanju,
- 3) članstvo u Ljekarskoj/Liječničkoj komori FBiH, odnosno kantonalnoj/županijskoj ljekarskoj/liječničkoj komori,
- 4) državljanstvo Bosne i Hercegovine,
- 5) poznavanje jednog od jezika koji su u službenoj upotrebi u Bosni i Hercegovini, na razini koja je potrebna za nesmetanu i nužnu komunikaciju s pacijentom.

Izuzetno, uslov iz alineje 4. stava 1. ovog člana nisu dužni ispuniti ljekari/liječnici strani državljani.

Ljekari/liječnici državljani BiH dužni su ispuniti sve uslove iz stava 1. ovog člana osim uslova iz alineje 5.

ZNAČENJE POJMOVA

Član 3.a

Akreditacija visokoškolske ustanove - formalna, javno objavljena odluka o kvalitetu institucije, donesena na bazi eksterne evaluacije i kriterija za akreditaciju visokoškolskih ustanova, koja se izdaje na određeni rok.

Licenca - javna isprava kojom ljekar/liječnik stiče pravo da na području Federacije Bosne i Hercegovine samostalno obavlja poslove u struci i u okviru stručnog naziva određenog licencom (doktor medicine, specijalista, odnosno subspecijalista, akademska titula, odnosno naučno-nastavno zvanje ili počasni naziv primarijus).

Licenciran medicinski fakultet – Medicinski fakultet koji kao visokoškolska ustanova posjeduje licencu (dozvolu za rad) izdanu od strane nadležne obrazovne vlasti, a nakon izvršene provjere ispunjenosti minimalnih standarda za početak rada i obavljanje djelatnosti visokog obrazovanja.

III NADLEŽNOST

Član 4.

Postupak upisa u registar ljekara/liječnika, kao i izdavanja, obnavljanja i oduzimanja licence za ljekare/liječnike, koji rade na području Federacije Bosne i Hercegovine, provode kantonalne/županijske ljekarske/liječničke komore (u daljem tekstu: nadležne ljekarske/liječničke komore) registrovane za izdavanje, obnavljanje i oduzimanje licence.

Član 5.

Izuzetno, ukoliko na području na kojem ljekar/liječnik obavlja svoju djelatnost nije registrovana komora iz člana 4. ovog Pravilnika, postupak upisa u registar ljekara/liječnika, kao i izdavanja, obnavljanja i oduzimanja licence, za ljekare/liječnike koji rade na području Federacije Bosne i Hercegovine, provodi Ljekarska/Liječnička komora FBiH.

Izuzetno, ukoliko ljekar/liječnik na području jednog kantona, drugog entiteta ili Brčko Distrikta BiH obavlja svoju djelatnost, dok dopunski rad obavlja na području drugog kantona, postupak izdavanja, obnavljanja i oduzimanja privremene licence za rad na području drugog kantona, provodi Ljekarska/Liječnička komora FBiH.

Ljekarska/Liječnička komora FBiH nadležna je i onda kada ljekar/liječnik dio radnog vremena obavlja u jednom kantonu, dok drugi dio radnog vremena ljekar/liječnik obavlja u drugom kantonu.

U slučaju iz prethodnog stava, kantonalna komora gdje liječnik obavlja veći dio radnog vremena ili po izboru liječnika je primarna, dok je Ljekarska/Liječnička komora FBiH nadležna za izdavanje licence u drugom kantonu.

Ljekarska/Liječnička komora FBiH nadležna je i onda kada dopunski rad obavlja ljekar/liječnik iz stava 1. ovog člana.

Član 6.

Postupak upisa u registar ljekara/liječnika, kao i izdavanja licence, za ljekare/liječnike koji nisu zaposleni, mjesno nadležna je kantonalna/županijska Ljekarska/liječnička komora kojoj se ljekar obrati zahtjevom za upis u registar ljekara/liječnika i izdavanje licence, odnosno svaka kantonalna/županijska Ljekarska/liječnička komora registrovana za izdavanje, obnavljanje i oduzimanje licence.

Član 7.

Postupak upisa u registar ljekara/liječnika, kao i izdavanja licence, za ljekare/liječnike koji su zaposleni, mjesno nadležna je kantonalna/županijska Ljekarska/liječnička komora na području koje ljekar/liječnik obavlja svoju djelatnost i koja je registrovana za izdavanje, obnavljanje i oduzimanje licence.

IV LICENCA

Član 8.

Licenca je javna isprava kojom ljekar/liječnik stiče pravo da, na području Federacije Bosne i Hercegovine, samostalno obavlja poslove u struci i u okviru stručnog naziva određenog licencom (doktor medicine, specijalista, odnosno subspecijalista, akademska titula, odnosno naučno-nastavno zvanje ili počasni naziv primarijus).

Član 9.

Licenca se izdaje kao redovna i privremena.

Redovna licenca se izdaje na period od šest (6) godina.

Privremena licenca se izdaje na period kraći od šest (6) godina i u slučajevima propisanim ovim Pravilnikom.

Privremena licenca na period do jedne godine izdaje se ljekarima starosne dobi 65 godina života i više, bez obzira na radnopravni status, penzionisanim i nezaposlenim ljekarima, na način propisan ovim Pravilnikom.

Član 10.

Licenca izdata od strane nadležnih Ljekarskih/Liječničkih komora (član 4, 6 i 7. Pravilnika) ima važnost na teritoriji kantona komore koja je licencu izdala.

Privremena licenca izdata od strane Ljekarske/Liječničke komore F BiH u skladu sa članom 5. stav 2. Pravilnika, ima važnost na teritoriji F BiH.

Privremena licenca koju izdaje Ljekarska/Liječnička komora FBiH bit će izdana na zahtjev člana kantonalne/županijske Ljekarske/Liječničke komore, onim ljekarima koji ispunjavaju uslove, počev od 01.01.2025. godine bez plaćanja naknade.

V POSTUPAK IZDAVANJA LICENCE

1. Za ljekare/liječnike - državljane BiH

Član 11.

Ljekar/liječnik - državljan BiH, nakon položenog stručnog ispita, nadležnoj ljekarskoj/liječničkoj komori (član 4 - 7 Pravilnika) podnosi zahtjev za upis u registar, nakon čega mu Komora izdaje licencu.

Član 12.

Uz zahtjev iz člana 11. ovog Pravilnika ljekar/liječnik je dužan dostaviti:

- 1) ovjerenu fotokopiju diplome medicinskog fakulteta, stečenu na akreditovanom univerzitetu u Bosni i Hercegovini koji ima akreditaciju i licencu od početka do završetka studija, odnosno rješenje o nostrifikaciji diplome stečene u inostranstvu;
- 2) ovjerenu fotokopiju uvjerenja o položenom stručnom ispitu ljekara/liječnika ili dokaz o priznatom stručnom ispitu od strane Federalnog ministarstva zdravstva;
- 3) uvjerenje o državljanstvu;
- 4) ovjerenu izjavu o poštivanju etičkih i deontoloških načela struke.

Dokumentacija iz stava 1. ovog člana predaje se u ovjerenoj fotokopiji, a original se predočava službenom licu komore na uvid.

Član 13.

Uz zahtjev iz člana 11. ovog Pravilnika nadležna Ljekarska/Liječnička komora može tražiti dostavljanje i slijedeće dokumentacije:

- 1) lična karta i CIPS;
- 2) fotografija.

Nadležna Ljekarska/Liječnička komora može, po službenoj dužnosti, zatražiti od nadležnog organa iz BiH ili inostranstva podatke iz kaznene evidencije, a koji se odnose na dokaz o postojanju pravosnažne presude za počinjena krivična djela koja ljekara/liječnika čine nedostojnim za obavljanje ljekarske/liječničke djelatnosti.

Član 14.

Ljekar/liječnik koji je položio specijalistički, odnosno subspecijalistički ispit, pored dokumentacije iz člana 12. ovog Pravilnika, uz zahtjev za izdavanje licence, dužan je dostaviti i ovjerenu fotokopiju uvjerenja o položenom specijalističkom, odnosno subspecijalističkom ispitu ili dokaz o priznatom specijalističkom, odnosno subspecijalističkom stažu i specijalističkom i subspecijalističkom ispitu od strane Federalnog ministarstva zdravstva.

Ljekar/liječnik koji je stekao naziv primarijus, akademsku titulu, odnosno naučno-nastavno zvanje, dužan je komori dostaviti i ovjerenu fotokopiju uvjerenja o stečenom počasnom nazivu primarijus, odnosno akademskoj tituli ili naučno-nastavnom zvanju stečenom na

akreditovanom i licenciranom medicinskom, stomatološkom i farmaceutskom fakultetu koji ima akreditaciju i licencu do sticanja akademske titule.

Akademske titule stečene u inostranstvu moraju biti nostrifikovane od strane domaćeg organa nadležnog za nostrifikaciju.

Dokumentacija iz stava 1, 2 i 3. ovog člana predaje se u ovjerenoj fotokopiji, a original se predočava službenom licu komore na uvid.

Član 15.

Ljekar/liječnik, koji je promijenio mjesnu nadležnost komore, u roku od trideset (30) dana podnosi ranijoj matičnoj ljekarskoj/liječničkoj komori zahtjev za promjenu matične komore i izdavanje licence u novoj mjesno nadležnoj kantonalnoj/županijskoj komori.

Po zaprimljenom zahtjevu ranija matična komora dostavlja novoj mjesno nadležnoj kantonalnoj/županijskoj komori u vidu elektronskog dokumenta dokumentaciju iz registra za podnosioca zahtjeva, uključujući i važeću licencu, navodeći i eventualno izrečene mjere u ranijoj matičnoj kantonalnoj/županijskoj komori.

Nova mjesno nadležna kantonalna/županijska komora ujedno je i nova matična komora člana. Matična kantonalna/županijska komora može od podnosioca zahtjeva tražiti dostavljanje dokumentacije u ovjerenoj fotokopiji.

Član 15. a

U uslovima opisanim u članu 15. ovog Pravilnika nova matična kantonalna/županijska komora izdat će licencu sa rokom važenja licence iz prethodne matične kantonalne/županijske komore. Nakon izdavanja licence nova matična kantonalna/županijska komora podnosi zahtjev za ukidanje prethodno izdate licence sa danom izdavanja licence nove matične kantonalne/županijske komore.

Član 15. b

Ljekar/liječnik koji je član jedne kantonalne/županijske ljekarske/liječničke komore, a prijavljuje se u konkursnu proceduru za posao - obavljanje djelatnosti u zdravstvenoj ustanovi smještenoj u drugom kantonu, neophodno je da u trenutku prijave posjeduje važeću licencu izdanu od strane do tada mjesno nadležne kantonalne/županijske ljekarske/liječničke komore čiji je član, bez uslovljavanja u konkursnoj proceduri prethodnog ishodovanja licence izdane od strane kantonalne/županijske ljekarske/liječničke komore drugog kantona u kojem se provodi konkursna procedura, a zbog neizvjesnosti ishoda provedene procedure.

U slučaju zasnivanja radnog odnosa shodno provedenoj konkursnoj proceduri ljekar/liječnik će postupiti prema odredbi člana 15. stav 1. ovog Pravilnika.

Član 16.

Ljekar/liječnik, koji djelatnost u okviru svoje struke obavlja na području nadležnosti dviju kantonalnih/županijskih ljekarskih/liječničkih komora, i to na području nadležnosti jedne kantonalne/županijske ljekarske/liječničke komore, komore drugog entiteta ili Brčko Distrikta BiH redovnim radom, a na području nadležnosti druge kantonalne komore dopunskim radom, dužan je pribaviti privremenu licencu izdatu od Ljekarske/Liječničke komore F BiH.

Postupak izdavanja licence iz prethodnog stava je bliže opisan u članu 26. ovog Pravilnika.

Član 16.a

Ljekar /Liječnik koji djelatnost svoje struke obavlja na području nadležnosti dviju kantonalnih/županijskih ljekarskih /liječničkih komora i to u području nadležnosti jedne kantonalne /županijske ljekarske/liječničke komore pola radnog vremena, a na području druge kantonalne komore drugu polovinu radnog vremena, dužan je pribaviti privremenu licencu

izdatu od Ljekarske/Liječničke komore FBiH koja će važiti u istom vremenskom trajanju kao i redovna licenca podnosioca zahtjeva, izdata u kantonalnoj komori.

Član 17.

Ljekar/liječnik - državljani BiH, koji je djelatnost u okviru svoje struke obavljao u inostranstvu, prilikom podnošenja zahtjeva za upis u registar i izdavanje licence nadležnoj ljekarskoj/liječničkoj komori, osim dokumentacije iz čl. 12. i 14. ovog Pravilnika, priložit će i potvrdu o članstvu u ljekarskoj/liječničkoj komori čiji je član te potvrdu o poštivanju etičkih principa struke, odnosno da se protiv podnosioca zahtjeva ne vodi disciplinski postupak.

Potvrda o poštovanju etičkih principa struke, odnosno potvrda o nevođenju disciplinskog postupka ne može biti starija od tri mjeseca, a izdaje je ljekarska/liječnička komora čiji je član podnositelj zahtjeva.

Dokumentacija iz stava 1. i 2. ovog člana predaje se u ovjerenoj fotokopiji, a original se predočava službenom licu komore na uvid.

Dokumentacija iz st. 1. i 2. ovog člana mora biti na jednom od jezika koji su u službenoj upotrebi u BiH, odnosno, ukoliko je na stranom jeziku, mora biti prevedena na jedan od jezika koji su u službenoj upotrebi u BiH od strane ovlaštenog sudskog tumača.

2. Za ljekare/liječnike - strane državljane

Član 18.

Ljekar/liječnik - strani državljani, po osnovu radne dozvole, može podnijeti zahtjev za izdavanje licence u Federaciji BiH.

Uz zahtjev za izdavanje licence, osim dokumentacije iz čl. 12. i 14. ovog Pravilnika, ljekar/liječnik – strani državljani dužan je priložiti i:

- 1) dokaz o državljanstvu zemlje porijekla – nadležan organ zemlje porijekla;
- 2) odobrenje za (privremeni ili stalni) boravak stranca u BiH – nadležna Služba za poslove sa strancima pri Ministarstvu sigurnosti BiH;
- 3) radnu dozvolu – nadležna kantonalna Služba za zapošljavanje;
- 4) potvrdu o članstvu i aktivnostima u ljekarskoj/liječničkoj komori zemlje porijekla;
- 5) potvrdu o poštivanju etičkih principa struke, odnosno da se protiv podnosioca zahtjeva ne vodi disciplinski postupak („a certificate of good standing“) koja ne smije biti starija od tri mjeseca, a izdaje je nadležna ljekarska/liječnička komora čiji je član podnositelj zahtjeva,
- 6) potvrdu o poznavanju jednog od jezika koji je u službenoj upotrebi u BiH, na nivou koji je potreban za nesmetanu i nužnu komunikaciju sa pacijentom, izdatu od akreditovane visokoškolske institucije u F BiH, minimalno stepen C1 (napredni korisnik), osim u slučajevima ukoliko je ljekar/liječnik dodiplomsku nastavu završio na jednom od jezika koji je u službenoj upotrebi u BiH.

Ljekar/liječnik - strani državljani nije dužan priložiti uvjerenje o položenom stručnom ispitu ukoliko je državljani zemlje koja ima bolonjski sistem obrazovanja.

Dokumentacija iz stava 1. i 2. ovog člana predaje se u ovjerenoj fotokopiji, a original se predočava službenom licu komore na uvid.

Dokumentacija iz st. 1. i 2. ovog člana mora biti na jednom od jezika koji su u službenoj upotrebi u BiH, odnosno, ukoliko je na stranom jeziku, mora biti prevedena na jedan od jezika koji su u službenoj upotrebi u BiH od strane ovlaštenog sudskog tumača.

Član 19.

Nadležna ljekarska/liječnička komora, Ljekarima/liječnicima iz člana 18. ovog Pravilnika, izdat će privremenu licencu na period jednak periodu važenja radne dozvole izdate Ljekaru/liječniku – stranom državljanu od strane nadležne kantonalne Službe za zapošljavanje.

Ukoliko je Ljekar/liječnik, iz člana 18. ovog Pravilnika, po osnovu Zakona o strancima (Sl.novine BiH broj 88/2015, 34/2021), oslobođen obaveze pribavljanja radne dozvole, nadležna ljekarska/liječnička komora će izdati privremenu licencu na period jednak odobrenom privremenom boravku.

Ukoliko je Ljekaru/liječniku iz stava 2. ovog člana od strane nadležnog organa odobren stalni boravak u BiH nadležna ljekarska/liječnička komora će izdati redovnu licencu.

Član 20.

Ljekari/liječnici - strani državljani koji privremeno borave na teritoriji Federacije BiH u svrhu obavljanja poslova svog stručnog naziva kroz naučno i stručno istraživanje u oblasti zdravstva, edukacija, obavljanja poslova konsultanata u zdravstvenim ustanovama, učešća u projektima iz oblasti zdravstva, uz zahtjev za izdavanje licence nadležnoj ljekarskoj/liječničkoj komori prilažu dokumentaciju navedenu u članu 18. stav 2. alineja 2, 3. i 4. ovog Pravilnika.

Ljekarima/liječnicima - stranim državljanima iz stava 1. ovog člana, nadležna ljekarska/liječnička komora će izdati privremenu licencu sa rokom važenja koliko traje i privremeni boravak na teritoriji Federacije BiH.

3. Za penzionisane ljekare

Član 21.

Ljekaru/liječniku - korisniku starosne penzije, koji je bio nosilac licence do prestanka radnog odnosa nadležna ljekarska/liječnička komora može izdati privremenu licencu na period od jedne (1) godine.

Ukoliko je Ljekar/liječnik nosilac redovne licence prilikom sticanja statusa penzionera ista se ukida sa danom sticanja prava iz PIO/MIO, a Ljekaru/liječniku, komora iz stava 1. ovog člana može izdati privremenu licencu.

Ljekar/liječnik iz stava 1. ovog člana dužan je uz zahtjev za izdavanje licence, osim dokumentacije navedene u čl. 12. i 14. ovog Pravilnika, priložiti i:

- 1) ovjerenu fotokopiju rješenja o korištenju starosne penzije;
- 2) Ljekarski nalaz o zdravstvenoj sposobnosti za obavljanje poslova svoje struke.

Dokumentacija iz stava 2. ovog člana predaje se u ovjerenoj fotokopiji, a original se predočava službenom licu komore na uvid.

Član 22.

Ljekaru/liječniku - državljanu BiH ili stranom državljanu, a koji u roku od 15 godina od dana položenog stručnog ispita nije obavljao minimalno dvije godine, u punom radnom vremenu, djelatnost svog stručnog naziva, nadležna ljekarska/liječnička komora će izdati licencu samo uz prethodnu provjeru stručne osposobljenosti.

Provjera stručne osposobljenosti Ljekara/liječnika iz stava 1. ovog člana obavlja se pred Komisijom kantonalne/županijske ljekarske/liječničke komore u koju se obavezno kooptiraju kao članovi:

- 1) Ljekari/liječnici stručnjaci iz oblasti iz koje se ispit polaže, iste ili veće stručne osposobljenosti u odnosu na kandidata.

Ljekaru iz stava 1. ovog člana koji je zadovoljio u postupku provjere stručne osposobljenosti, izdaje se licenca s danom položenog ispita radi provjere stručne osposobljenosti.

4. Postupanje nadležne ljekarske komore po podnijetom zahtjevu za izdavanje licence

Član 23.

Zahtjev za izdavanje licence predaje se neposredno ili šalje poštom pismeno na adresu nadležne ljekarske/liječničke komore (član 4 - 7 Pravilnika).

Prilikom neposredne predaje zahtjeva, isti mora biti predat lično od strane člana komore, a ako zahtjev neposredno predaje drugo lice, u ime i za račun člana komore, uz zahtjev se mora dostaviti i originalna važeća punomoć.

Član 24.

Ukoliko zahtjev sadrži neki formalni nedostatak koji sprječava postupanje po istom (nerazumljiv ili nepotpun) nadležna ljekarska/liječnička komora je dužna učiniti one radnje koje će osigurati da se nedostaci otklone i odredit će podnosiocu rok u kome je dužan da to učini.

Ako podnositelj ne otkloni nedostatke u određenom roku, smatrat će se da zahtjev nije ni podnesen, a komora će donijeti zaključak protiv kojeg se može izjaviti žalba drugostepenom organu komore, u skladu sa Statutom i drugim aktima nadležne ljekarske/liječničke komore (član 4 - 7 Pravilnika).

Član 25.

Postupak razmatranja zahtjeva za upis ljekara/liječnika u registar članova i izdavanje licence, nadležne ljekarske/liječničke komore (član 4 - 7 Pravilnika) provode na način utvrđen ovim Pravilnikom te Statutom i drugim aktima nadležnih ljekarskih/liječničkih komora (član 4 - 7 Pravilnika).

Na osnovu provedenog postupka nadležne ljekarske/liječničke komore donose odluku (rješenje) o upisu u registar te izdavanju licence ljekaru/liječniku – članu komore, odnosno odluku (rješenje) kojim se odbija zahtjev za upis i izdavanje licence.

Rok za provođenje postupka iz stava 1. i 2. ovog člana je trideset (30) dana od dana prijema uredno dokumentiranog zahtjeva.

Član 26.

U slučajevima propisanim članom 5. stav 1. i 2. ovog Pravilnika, po prijemu uredno dokumentiranog zahtjeva predsjednik Ljekarske/Liječničke komore FBiH uz prethodno pribavljenu saglasnost Komisije za registar Ljekarske/Liječničke komore F BiH donosi rješenje o upisu u registar ljekara/liječnika i izdaje licencu članu komore.

Ljekar/liječnik, koji djelatnost u okviru svoje struke obavlja na području nadležnosti dviju kantonalnih/županijskih ljekarskih/liječničkih komora, ili na području nadležnosti jedne kantonalne/županijske ljekarske/liječničke komore, komore drugog entiteta ili Brčko Distrikta BiH redovnim radom, a na području nadležnosti druge kantonalne/županijske ljekarske/liječničke komore dopunskim radom, zahtjev za izdavanje licence podnosi Ljekarskoj/Liječničkoj komori F BiH putem matične komore.

Ljekarska/liječnička komora zahtjev uz dokumentaciju iz člana 12. i 14. ovog Pravilnika, odnosno, izvod iz registra, dostavlja Ljekarskoj/Liječničkoj komori F BiH.

Izvod iz registra obavezno sadrži sve podatke o stručnosti ljekara/liječnika, ovjeren pečatom i potpisan od strane matične komore.

Ljekaru/liječniku iz stava 2. ovog člana Ljekarska/Liječnička komora F BiH u roku od 30 dana od dana zaprimanja zahtjeva izdaje privremenu licencu na period važenja jedne godine.

Ljekarska/Liječnička komora F BiH licencu za rad dostavlja ljekaru/liječniku putem nadležne komore na čijem području se obavlja dopunski rad.

Uz zahtjev, iz stava 2. ovog člana, ljekar/liječnik je dužan dostaviti i dokaz o uplati naknade u visini prema odluci Izvršnog odbora Ljekarske/Liječničke komore F BiH.

Član 27.

Ukoliko nadležne Ljekarske/liječničke komore (član 4 - 7 Pravilnika) u utvrđenom roku ne donesu odluku (rješenje) dužne su ljekarima/liječnicima izdati potvrdu o prijemu uredno dokumentiranih zahtjeva za izdavanje licence.

Član 28.

Nakon izvršenog upisa u registar nadležne Ljekarske/liječničke komore izdaju licence.

Nadležne Ljekarske/liječničke komore izdaju redovne licence **sa rokom važenja šest godina** ljekarima/liječnicima državljanima Bosne i Hercegovine, u postupku i uslovima utvrđenim ovim Pravilnikom te Statutom i aktima komora.

Izuzetno, ljekaru/liječniku iz stava 2. ovog člana starosne dobi 65 godina života i više, bez obzira na radnopravni status, nadležne Ljekarske/liječničke komore izdaju privremenu licencu na period do jedne godine.

Ljekarima/liječnicima koji nisu zasnovali radni odnos, koji obavljaju dopunski rad na području drugog kantona/županije i penzionisanim ljekarima/liječnicima nadležne Ljekarske/liječničke komore izdaju privremene licence sa rokom važenja jedne godine, u postupku i uslovima utvrđenim ovim Pravilnikom te Statutom i aktima komora.

Ljekarima/liječnicima stranim državljanima nadležne Ljekarske/liječničke komore izdaju privremene licence na period važenja radne dozvole ili odobrenja za privremeni boravak u Bosni i Hercegovini, u postupku i uslovima utvrđenim ovim Pravilnikom te Statutom i aktima komora.

Član 29.

Nadležne Ljekarske/liječničke komore dužne su svaku promjenu podataka u registrima (izvršeni upis, ispis te lične podatke članova: ime i prezime, JMBG, adresa prebivališta, specijalizacija, subspecijalizacija, akademska titula, odnosno naučno-nastavno zvanje, počasni naziv primarijus, radni status, kao i podatke o izdatim licencama) pravovremeno, a najmanje deset dana od utvrđenih izmjena u kantonalnoj/županijskoj komori, dostavljati Ljekarskoj/Liječničkoj komori FBiH.

VI POSTUPAK ZAMJENE LICENCE

Član 30.

Ljekar/liječnik - član komore, dužan je blagovremeno obavijestiti komoru o svim nastalim promjenama koje su od uticaja na izdatu licencu (stečen stručni naziv specijalista, odnosno subspecijalista, stečeno zvanje primarijus, stečeno naučno-nastavno zvanje i sl.) i koje se upisuju u registar članova komore.

Član 31.

Ljekar/liječnik - član komore dužan je od komore zatražiti zamjenu važeće licence, ukoliko unutar roka važenja izdate licence stekne status specijaliste određene specijalnosti ili subspecijalnosti, stekne naziv primarijus, odnosno akademski stepen ili je izabran u naučno-nastavno ili nastavno zvanje te u slučajevima promjene ličnih podataka.

Zahtjev za zamjenu licence podnosi se komori zajedno sa dokumentacijom kojom se dokazuje sticanje statusa iz stava 1. ovog člana.

Nova licenca sa izmijenjenim podacima ima isti rok važnosti kao i licenca koja se mijenja.

Odredbe ovog Pravilnika o načinu podnošenja zahtjeva za izdavanje licence, sadržaju i izgledu dokumentacije, kao i načinu i rokovima postupka rješavanja zahtjeva za izdavanje licence shodno se primjenjuju i na zamjenu licence unutar vremenskog važenja licence.

VII POSTUPAK OBNAVLJANJA LICENCE

Član 32.

Ljekar/liječnik stiče pravo na obnovu licence, ako je u roku važenja licence, u postupku kontinuirane edukacije, zadovoljio kriterije stručnog usavršavanja utvrđene Pravilnikom o zajedničkim kriterijima i postupcima stručnog usavršavanja ljekara/liječnika Ljekarske/Liječničke komore FBiH.

Ljekar/liječnik starosne dobi 65 godina života i više, te ljekar/liječnik strani državljanin stiče pravo na obnovu privremene licence, ako je uz ispunjenje uvjeta iz člana 18. odnosno člana 21. ovog Pravilnika, u roku važenja prethodne privremene licence, stekao minimalno 15 (petnaest) bodova u postupku kontinuirane edukacije, te zadovoljio kriterije stručnog usavršavanja utvrđene Pravilnikom o zajedničkim kriterijima i postupcima stručnog usavršavanja ljekara/liječnika Ljekarske/Liječničke komore FBiH.

Član 33.

Ljekar/liječnik podnosi komori zahtjev za obnavljanje licence, u roku od 60 dana prije isteka roka na koji je važeća licenca izdata.

Uz zahtjev iz stava 1. ovog člana podnosi se dokumentacija kojom se dokazuje ispunjenost kriterija stručnog usavršavanja u postupku kontinuirane edukacije te druga dokumentacija u skladu sa Statutom i drugim aktima kantonalnih/županijskih ljekarskih/liječničkih komora.

Odredbe ovog Pravilnika o načinu podnošenja zahtjeva za izdavanje licence, sadržaju i izgledu dokumentacije, kao i načinu i rokovima rješavanja zahtjeva za izdavanje licence shodno se primjenjuju i u postupku obnavljanja licence.

Član 34.

Ukoliko je ljekar/liječnik iz opravdanih razloga, kao što su: privremena spriječenost za rad duža od šest mjeseci, trudnoća i komplikacije u vezi sa trudnoćom, porodijsko odsustvo i odsustvo radi njege djeteta, odnosno člana uže porodice i drugi opravdani slučajevi, bio spriječen da učestvuje u postupku kontinuirane edukacije čime nije ostvario uslove utvrđene članom 32. ovog Pravilnika, rok za ispunjavanje uslova za obnavljanje licence ljekaru/liječniku će se produžiti.

Nadležne ljekarske/liječničke komore će ljekarima/liječnicima iz stava 1. ovog člana produžiti period važenja licence za period jednak trajanju navedenih razloga.

U slučajevima iz stava 1. i 2. ovog člana, ljekar/liječnik je dužan komori podnijeti dokaze kojim dokazuje postojanje okolnosti koje su prouzročile nemogućnost obnavljanja licence u propisanom roku.

Član 35.

U ostalim slučajevima, ukoliko ljekar/liječnik nije učestvovao u postupku kontinuirane edukacije te nije ostvario uslove utvrđene članom 32. ovog Pravilnika, nadležne ljekarske/liječničke komore će izdati licencu samo uz prethodnu provjeru stručne osposobljenosti.

Provjera stručne osposobljenosti ljekara/liječnika iz stava 1. ovog člana obavlja se pred Komisijom nadležnih ljekarskih/liječničkih komora u koju se obavezno kooptiraju kao članovi:

- 1) predstavnici strukovnog udruženja, ukoliko je isto osnovano.

Ljekaru/liječniku iz stava 1. ovog člana koji je zadovoljio u postupku provjere stručne osposobljenosti, licenca se izdaje s danom položenog ispita radi provjere stručne osposobljenosti.

VIII POSTUPAK IZDAVANJE DUPLIKATA LICENCE

Član 36.

Nadležne ljekarske/liječničke komore će ljekaru na njegov zahtjev izdati duplikat licence u slučaju:

- 1) gubitka licence,
- 2) otuđenja licence,
- 3) oštećena ili uništenja licence.

Član 37.

Po prijemu zahtjeva, nadležne ljekarske/liječničke komore će izdati rješenje kojim izgubljenju, odnosno otuđenu, oštećenu ili uništenu licencu oglašavaju nevažećom.

Duplikat licence se izdaje u roku od trideset (30) dana od dana podnošenja zahtjeva.

Do izdavanja duplikata licence ljekaru/liječniku se izdaje potvrda o predaji zahtjeva za izdavanje duplikata licence.

IX ODUZIMANJE LICENCE

Član 38.

Licenca može biti oduzeta ljekaru/liječniku, privremeno ili trajno.

Komora oduzima licencu ukoliko ljekar/liječnik:

- 1) ne zadovoljava prilikom obnavljanja licence;
- 2) komora odredi tu mjeru kao najstrožu kaznu zbog kršenja etičkih principa struke;
- 3) dopunski rad obavlja suprotno odredbama Zakona;
- 4) ne plaća članarinu nadležnoj ljekarskoj/liječničkoj komori;
- 5) u drugim slučajevima utvrđenim Statutima nadležnih ljekarskih/liječničkih komora.

Član 39.

Ukoliko nadležne ljekarske/liječničke komore utvrde da su nastupili uvjeti za oduzimanje licence iz člana 38. ovog Pravilnika, donose odluku o oduzimanju licence.

Protiv odluke iz stava 1. ovog člana dozvoljena je žalba nadležnom drugostepenom organu komore, na način i pod uvjetima utvrđenim Statutima i drugim aktima nadležnih ljekarskih/liječničkih komora.

Član 40.

Nadležne ljekarske/liječničke komore su dužne, bez odlaganja, o privremenom ili trajnom oduzimanju licence, obavijestiti poslodavca ljekara/liječnika, zavod zdravstvenog osiguranja, kao i nadležnu zdravstvenu inspekciju.

X IZGLED I SADRŽAJ LICENCE

Član 41.

Licenca izdata od strane nadležnih Ljekarskih/liječničkih komora sadrži slijedeće podatke:

- 1) naziv, znak i sjedište nadležne Ljekarske/liječničke komore koja licencu izdaje, kao i naziv i znak Ljekarske/Liječničke komore FBiH;
- 2) broj licence;
- 3) mjesto i datum izdavanja licence;
- 4) ime, ime jednog roditelja i prezime Ljekara/liječnika;
- 5) datum, mjesto i država rođenja Ljekara/liječnika;
- 6) naznaka stručnog naziva, naziva specijaliste, odnosno subspecijaliste, akademske titule, odnosno naučno-nastavnog zvanja Ljekara/liječnika ili počasnog zvanja primarijus;
- 7) stručna oblast za koju se licenca izdaje;
- 8) period važenja licence (dan, mjesec, godina);
- 9) potpis predsjednika nadležne Ljekarske/liječničke komore i pečat, odnosno suhi žig.

Licenca iz stava 1. ovog člana izdaje se u 3 primjerka i to:

- 1) 1 primjerak formata A4 kolor,
- 2) 2 primjerka formata A4 crno bijeli.

Član 42.

Licenca izdata od strane nadležnih Ljekarskih/liječničkih komora sadrži broj koji čine slijedeće oznake:

- 1) **F** – slovna oznaka F - predstavlja oznaku pripadnosti komori sa teritorija Federacije BiH;
- 2) **01 – 10** – brojevi od 01 do 10 – predstavljaju oznaku pripadnosti kantonalnoj/županijskoj Ljekarskoj/liječničkoj komori;
- 3) **A** – slovna oznaka A - predstavlja oznaku prve licence;
- 4) **R** – slovna oznaka R - predstavlja oznaku obnovljene licence;
- 5) **Aa / Ra** – slovna oznaka a, b, c – predstavlja oznaku licence / obnovljene licence (Aa / Ra) izdate usljed promjene nastale u periodu važenja licence / obnovljene licence (A / R);
- 6) **1** – redni broj 1, 2, 3 (prva, druga, treća) – predstavlja oznaku rednog broja izdate licence;
- 7) **0001** – predstavlja broj registra nadležnih Ljekarskih/liječničkih komora.

Član 43.

Nadležne Ljekarske/liječničke komore izdaju licence čija numeracija je utvrđena na način:

- 1) Ljekarska komora Unsko-sanskog kantona – F01A0001
- 2) Ljekarska komora Posavskog kantona – F02A0001
- 3) Ljekarska komora Tuzlanskog kantona – F03A0001
- 4) Ljekarska komora Zeničko-dobojskog kantona – F04A0001
- 5) Ljekarska komora Bosansko-podrinjskog kantona – F05A0001
- 6) Ljekarska komora Srednjobosanskog kantona – F06A0001
- 7) Ljekarska komora Kantona Sarajevo – F09A0001
- 8) Ljekarska komora Herceg-bosanske županije (Kanton 10) – F10A0001

U slučajevima predviđenim članom 5. stav 2. ovog Pravilnika, Ljekarska/Liječnička komora FBiH će dodijeliti brojeve licenci na način:

- 1) **F** – slovna oznaka F - predstavlja oznaku pripadnosti komori sa teritorija Federacije BiH;
- 2) **01 – 10** – brojevi od 01 do 10 – predstavljaju oznaku pripadnosti kantonalnoj/županijskoj Ljekarskoj/liječničkoj komori;
- 3) **A** – slovna oznaka A - predstavlja oznaku prve licence;

- 4) **001** – redni broj 1, 2, 3 (prva, druga, treća) – predstavlja oznaku rednog broja licence;
- 5) **P** – slovena oznaka P – predstavlja privremenu licencu;
- 6) **01 – 10** – brojevi od 01 do 10 – predstavljaju oznaku kantona/županije gdje ljekar/liječnik obavlja dopunski rad;

(primjer: F03A0001P02 - Ljekar član Ljekarske komore Tuzlanskog kantona privremenu djelatnost obavlja u ZDK)

XI PRELAZNE I ZAVRŠNE ODREDBE

Član 44.

Kantonalmim/županijskim ljekarskim/liječničkim komorama koje nakon usvajanja ovog Pravilnika pristupe Ljekarskoj/Liječničkoj komori Federacije Bosne i Hercegovine dodijelit će se numeracija u skladu sa članom 43. ovog Pravilnika.

Član 45.

Nadležne ljekarske/liječničke komore su dužne, u roku od 90 dana od dana stupanja na snagu ovog Pravilnika, uskladiti svoje opće akte sa odredbama ovog Pravilnika te osigurati svojim članovima izdavanje licence na obrascu propisanom ovim Pravilnikom.

Član 46.

Ovaj Pravilnik stupa na snagu osmog dana od dana objavljivanja na web stranici Ljekarske/Liječničke komore FBiH www.fmcbih.ba, sa rokom važenja godinu dana od dana objavljivanja.

Započeti postupci koji su na dan stupanja na snagu ovog Pravilnika u toku pred tijelima Ljekarske/Liječničke komore FBiH, nastavit će se i dovršiti u skladu s odredbama ovog Pravilnika.

Član 47.

Autentično tumačenje ovog Pravilnika daje Izvršni odbor LJ/LKFBiH

Zenica, 21.04.2018. godine
Broj: 0150/18

Predsjednik Skupštine
Mr.med.sc. Elmalet Rahimić, dr.med.prim.

Tuzla, 02.12.2023. godine
Broj: 01-214/23

Predsjednik Skupštine
dr. Amra Salkić

Dodaje se:

Tuzla, 27.05.2024. godine
Broj: 01-129/24

Predsjednik Skupštine
dr. Amra Salkić